

Les 4 - Openbaring 4

Troon van God in die hemel

4¹ Hierna het ek gesien, en kyk, 'n deur wat in die hemel geopen is, en die stem wat ek voorheen so hard soos 'n basuin met my hoor praat het, het gesê: “Kom op hierheen, en Ek sal aan jou wys wat hierna moet gebeur.”² Onmiddellik het die Gees van my besit geneem, en kyk, daar was 'n troon in die hemel, en iemand wat op die troon sit.³ Die Een wat daarop sit, se voorkoms was soos •jaspis en •karneool, en rondom die troon was daar 'n reënboog wat net soos •smarag lyk.⁴ Rondom die troon was daar vier-en-twintig trone, en op die trone het vier-en-twintig ouderlinge gesit. Hulle het wit klere gedra, met goue krone op hulle koppe.⁵ Vanuit die troon het daar weerligstrale, dreunings en donderslae gekom. En voor die troon het sewe vuurfakkels gebrand – die sewe Geeste van God.⁶ Voor die troon lyk dit soos 'n see van glas, net soos kristal. In die middel van die troon en rondom die troon staan daar vier lewende wesens, vol oë aan die voorkant en agterkant.⁷ Die eerste lewende wese lyk net soos 'n leeu; die tweede lewende wese net soos 'n kalf; die derde lewende wese het 'n gesig net soos 'n mens, en die vierde lewende wese lyk net soos 'n arend wat vlieg.⁸ Die vier lewende wesens het elkeen ses vlerke, wat reg rondom en aan die binnekant vol oë is. Sonder om te rus, herhaal hulle dag en nag: “Heilig, heilig, heilig is die Here God,

die Almagtige, Hy wat was en wat is en wat kom.”⁹ En telkens wanneer die lewende wesens heerlijkheid en eer en dank bring aan Hom wat op die troon sit, aan Hom wat vir ewig en ewig leef,¹⁰ val die vier-en-twintig ouderlinge in aanbidding neer voor Hom wat op die troon sit. Hulle aanbid Hom wat vir ewig en ewig leef, en sit dan hulle krone voor die troon neer, terwyl hulle sê:¹¹ “U is waardig, ons Here en God, om die heerlijkheid en die eer en die krag te ontvang, omdat U alle dinge geskep het; deur u wil het alles ontstaan, is dit geskep.”

Bible Society of South Africa. Die Bybel 2020-vertaling (Hoofletteruitgawe) (Afrikaans Edition) (pp. 3935-3936). Bybelgenootskap van Suid-Afrika. Kindle Edition.

Oorsig

In 4:1-2 begin die tweede groot visioen in die ontvouing van hierdie vertelling. Die eerste visioen was dié van die verheerlikte Christus in sy kerk (1:9-3:22). Die volgende visioen teken God wat die Skepper (4:1-11), maar ook die Verlosser (5:1-14) is. En omdat Hy wat op die troon sit in beheer is van ons geskiedenis, het Hy die reg om sy oordeel oor die goddeloses te voltrek – wat deur die seëls, trompette en bakke uitgebeeld word – maar ook om sy verlossing te demonstreer deur die verseëling van die gelowiges en die afmeet van die tempel met die nuwe Jerusalem as die hoogtepunt. Openbaring 4-5 gee as inleiding tot die res van Openbaring (hfst 4-22) aan die lesers 'n besondere God- en Christusperspektief sodat ons die res van die verhaal beter kan verstaan. Oordeel en verlossing word vervleg en afgewissel, en beskryf God

se besig-wees met die mensegeskiedenis.

24 Ouderlinge

As ons by die 24 ouderlinge begin, tref die uitdrukking reg rondom die troon ons (4:4). Ons kan dit soos volg voorstel: Die reenboog is verti-kaal rondom die troon, en die 24 trone met die 24 ouderlinge wat daarop sit horisontaal rondom die troon. Dit teken 'n aanbiddingstoneel waarin die 24 ouderlinge die eerste konsentriese sirkel rondom die troon vorm. In die tweede konsentriese sirkel neem die lewende wesens, verteenwoordigend van die skepping, stelling in. Wie is hierdie 24 ouderlinge? Ons lees hulle dra wit klere en het goue krone op hulle koppe en sit op die 24 trone. Verskillende interpretasies is hier moontlik:

- die 12 aartsvaders (Ou Testament) plus die 12 apostels (Nuwe Testa-ment); dus die volledige "volk van God" (Gen 21:12-13);
- die heiliges van die Ou Testament in priesterlike drag volgens die Levitiese orde;
- die hele gemeenskap van gelowiges, gebaseer op die priesterskap volgens 1 Kronieke 24:4-5; dit is die 24 afdelings van musici en afstammeling van Levi;
- die kerk as die ware Israel - die hemelse oorwinnaars wat getrou volhard het;
- 'n hemelse hofsitting op die trone om saam met God te oordeel, of
- 'n geselekteerde groep van 24 engele as God se boodskappers.

- Die sleutel tot 'n verantwoorde keuse lê vir seker in die term "ouder-linge" (Grieks: presbuteroi). Daarvolgens kan die 24 ouderlinge geas-sosieer word met die volk of die kerk van God, 12 volgens die stamme van die Ou Testament en 12 volgens die getal apostels in die Nuwe Testament.

Ouderlinge

Volgens die Ou Testament het die oudstes die volk voorgestaan, en in die sinagoges het die raad van oudstes, met 'n hoof, die sinagoge bestuur. Ook in die Sanhedrin, die Joodse Raad, het die oudstes 'n besondere plek ingeneem. Die oudste (Grieks: zagen) van die Ou Testament het die ouderling (Grieks: presbuteros; Vulgaat: senior) van die Nuwe Testament geword. Ouderlinge het siekes vertroos (Jak 5:14), gepreek (1 Tim 5:17) en saam met die apostels die gemeentes versorg en bestuur (Hand 15:4, 6, 23). Die ouderlinge in Efese is episkopoi of presbuteroi genoem. Die liggaam of raad van ouderlinge is 'n presbuterion genoem.

Volgens Openbaring is die ouderlinge aanbidders (5:14; 11:16; 19:4) en lofprysers (4:11; 5:9-10; 11:17-18; 14:3; 19:4). Hulle tree ook op as tussengangers en interpreteerders (5:5; 7:13-17). Die ouderlinge sit op trone, ter-wyl die heiliges voor die troon staan (4:4; 7:9; 11:16). Die heiliges het hemel-se wesens geword voor God se troon. Die ouderlinge bring ook die gebede van die heiliges voor God se aangesig (5:8). Volgens Openbaring kan die ouderlinge in hulle priesterlike funksie dus as die volk of die kerk van God gesien word.

Die vier lewende wesens in

Openbaring 4 lyk soos 'n leeu, 'n bul, 'n gesig van 'n mens en 'n arend wat vlieg (4:7). Die vier wesens lyk soos die genoemde voorstellings. Hierdie beeld is waarskynlik ook aan Esegiel 1:5-6, 10-11 ontleen.

Die vraag is wat dié vier figure voorstel. Verskillende interpretasies van hierdie figure is al deur die eeue heen gegee:

- Die kerkvaders het die vier Evangelies met die vier figure geassosieer: Gewoonlik het Lukas die mensgesig, om menslikheid voor te stel; Matteus is die leeu, om koninklikheid uit te beeld; Markus is die bul, om diensbaarheid voor te stel, en Johannes is die arend in vlug, om Goddelikheid te simboliseer. Verskeie kerkvaders (Irenaeus, Viktorinus, Atanasius) het van mekaar verskil oor dié assosiasies.
- Sommige meen Esegieël 1 bevat die uitleg vir hierdie figure. Esegieël het in Babilonie gewoon en gebruik gemaak van die Babiloniese mitologie. Hiervolgens word die vier hoeke van die dierierem in die sterreheem gevorm deur Taurus (bul), Leo (leeu), Scorpio (mens) en Aquarius (arend). Laasgenoemde twee pas egter nie in by die vier figure van Openbaring 4 nie.
- Ander het die figure vergeestelik en dan allegories verklaar: moed en koninklike majesteit (leeu), geduld en krag (bul), intellek en geestelikeheid (mens) en onafhanklikheid en spoed (arend).
- Enkeles vergelyk hierdie figure met die vier stamme van Israel: Ju-da, Ruben, Efraim en Dan.

- Ander dink aan die figure as verteenwoordigend van die hele skepping, as uitbeeldings van die edelste (leeu), sterkste (bul), slimste (mens) en vinnigste (arend). Dit was ook die Joodse rabbi's se uit-leg.
- Daar is ook 'n groep wat tipiese Assiriese en Babiloniese beelde van leeus met vlerke of sinkse met mensgesigte en lerce met dié vier figure verbind.

Seraf en gerub

Die term "seraf" kom uit die antieke mitologiese verhale en kan 'n slang (14:29; 30:6) of 'n engelagtige wese (6:2, 6) beskryf. Ook die gerubs (Eseg 10:14) is engelagtige wesens volgens mitologiese oorlewerings. Die Bybelskrywers het terme uit die mitologiese verhale geneem en dit met nuwe betekenisinhoud gevul. 'n Mooi voorbeeld is die draak (Op 12) of Babiloniese monster wat die rol van die Satan vervul.

Bron

Jan du Rand, Die A-Z van Openbaring: 'n Allesomvattende perspektief op die boek Openbaring, CUM, Vereeniging, 2007